



kat.komp.

21908

III

Mag. St. Dr.

P


*Patazowski Casim. Stanisł. a Vexus septuagari ac emeriti  
honoris ad doctoralem lauream theologicam  
eminentiss.*

PANEG. et VITAE

Polon. Fol.

№. 44.







NE X U S  
SCEPTRIGERI ac EMERITI  
H O N O R I S,

Ad Doctoralem Lauream Theologicam  
EMINENTIOR;

D U M

*Magnificus, Perillustis & Admodum Reverendus Dominus,*

D. M. STANISLAUS  
MARKIEWICZ,

Sacrae Theologiae Licenciatus, Ejusq; Cursus Controversiarum Professor,  
Collega Major, Ecclesiarum Collegiatarum S. FLORIANI CANONICUS,  
Sandecensis CANCELLARIUS, Curelovienensis SCHOLASTICUS, SS. Omnium & Pa-  
rochialis Prossovicensis PRÆPOSITUS, Scholarum Novodvorscianarum &  
Contubernij Geloniani PROVISO, Studij Generalis Almae Univer-  
sitatis Cracoviensis Vigilantissimus R E C T O R,

A

PERILLUSTRI & REVERENDISSIMO DOMINO,

D. M. MARTINO  
WALESZYNSKI,

S. Th: DOCTORE & PROFESSORE, ejusdemq; Facultatis DECANO, Collega  
Majore, Ecclesiarum Cathedralis Cracoviensis CANONICO, Montis S. GE-  
ORGIJ in Scepusio & Przemykow PRÆPOSITO, Librorum per Diocesim  
Grac: Ordinario CENSORE, Canonizationis B. JOANNIS CANTIJ  
PROCURATORE, Contubernij Hierosolymitani PROVISO, Studij  
Generalis Almae Universitatis Cracov: PROCANCELLARIO,

SACRAE THEOLOGIAE DOCTOR,

Ritu Solenni crearetur;

Inter publicos Ordinum Academicorum plausus,

A

M. CASIMIRO STANISLAO PAŁASZOWSKI, Ph: Doctore, ejusde  
Regio & Tyliciano Eloquentiae Professore, Collega Majore, S. ANNÆ Canonico.  
officioso cultu

CELEBRATUS.

Anno, quo Fascijs Infantis DEI Hominis, salus Generi humano evoluta, 1729. die 22. Febru.

GRACOVIAE, TYPIS ACADEMICIS,



386

21. 903 III





N E X U S  
Sceptrigeri ac Emeriti  
H O N O R I S,  
AD LAVREAM THEOLOGICAM  
E M I N E N T I O R.

A Deste justiores meritorū Æstimatores!  
laborum virtutumq; Præmiatores adeste!  
omni temporis momento,  
non mométaneū ut virtuti emeritæ præmiū debetur,  
ita pretium singulis Universi decoribus,  
sed illis longè majus;  
quæ aliquem sui honoris, sinuantur in nexum.  
*Virtus una, nulla virtus habetur.*

Plato Divinus, Aristeteles summus  
unica ab erudita actione non assurgunt.  
Pulchro pariter ligari gestiūt fædere Fasces,  
eôq; multô,  
ne suâ eminentiâ minuantur.

En Regalia ut emineant Sceptra,  
gaudent superaddita Coronâ.  
Præsulum Infulæ ut sublimiùs erigantur,  
sinè Pedit in publico non spectantur.



Ducum Bellatorum Clavæ,  
à militum non sejunguntur catervis.  
Clarissimus est mundi oculus Tytan,  
sed non sinè radijs.

Amænam reddit Cynthia noctem,  
sed non sinè coadunatis sideribus.  
Est Adamanti pretium magnum, in auro majus.

Apelleum opus Imagines  
eò pulchrius ornant, quò plures colores.

Liceat superaddere

*etiam unita fortior virtus.*

Nisus multa & magna nisus cum Euryalo.

Heros magnanimus Hercules,  
cum Theseo nihil intentatum reliquit,  
Totum Cerberum numerosum captivum duxit,  
qui solus

Antæi terrâ sulti fortitudine fatigatus,  
contra duos

quidpiam non potuit audere, & valere.

Scyllurus Scytharum Dominus  
in nodoso sagittarum Fasce,  
probavit Natorum fortitudinem invictam,  
quam separatim penitus improbavit.

Portentosis Gigantum viribûs,  
Pelion impositus Ossæ ipsos exterruit Deos,  
Sanè dantibus documenta rebus,

Evincit sibi præmia virtus,  
sed maximè evincit,  
propinquis ac fortibus nexibus asserta.

Pro suû eminentiori coronamento



Laurus & primas & virentes poscit,  
postquam noverit in unione meritorum triumphare.

Non immeritò

Magnifice, Perillustris



Admodum Reverende Domine,

**D. M. STANISLAE  
MARKIEWICZ.**

Sacrae Theologiae LICENTIAE,  
Universitatis **RECTOR**

Vigilantissime,

hodie Theologica Laurea,

Tibi in decus & coronam cedit,

qui pulcherrimum nexum retines meritorum.  
Antequam unita in Crucem Sceptra reciperes,

in Te multos coadunasti labores,  
merita nunquam à virtutibus diffita sociasti.

Adjuncta fuit Tullio in cunis flamma,  
ejus futurum irradiavit splendorem.

Laboris ingeniosae magistrae apes,  
infantis Pindari associatae ori,  
dulcem ejus melleamq; svadam prodiderunt.

Tuae indoli Phæbô in ephebo dignae,  
fecisti ipsam adunari virtutem,

sinè qua nunquam in ulteriori procedis vita.  
Elementa literarum non commemoro,  
quæ in Tuae mentis alimenta vertisti.

Stu-



Studia humaniora taceo,  
quæ planè Divinò complectebaris animò.  
Scrutabaris montis Parnassi intima,  
ut aurum eruditionis Tibi erueres,  
quò meritorum nexum exornares.

Amplo Tullij in Campo,  
messis hæc erat Tibi præcipua,  
nemini porrigere herbam, ut palmam haberes.

Sub Arbore Porphirij,  
nunquam consistens ad imum,  
ipsum elevatò ingeniò sublimabaris in verticem,  
totusq; in Mercurium ibas.

Profundius Philosophicum mare,  
quàm non ab ipso enavigasti littore,  
geminatæ Coronæ testes,  
quæ non minùs de Te, quàm Tu de illis certabas.  
Capacissimæ mèti Artes Liberales connexæ,  
Te invenerunt Magistrum non fecerunt.

**Philosophiæ Doctorem**  
approbavit Pallas, non creavit.

Simul memoriâ, simul ingeniò felix,  
tenes in Iliade totum,

quod vasta Authorum volumina tenent.

In Te suò potitus Parnassò Virgilius,  
quem adeò scitè enarras,  
ut in manibus Tuis videatur hære.

Lucet apud Te superstes Lucanus,  
Tacitum vocalem reddis.

Antiquior orbis Historia apud Te recētissima



à sæculis succedaneis,  
quò remotior, eò intimior Tibi.  
**Donum Superũm Scientia tota,**  
Sideris instar, ad ũbras Tuæ modestiæ postquã enituit,  
non scivit loco affixa stare,  
in aliorum commodum semper velocissima.

**Coloniam Pinczoviensem,**  
Doctissimus incoluisti Professor,  
quam ut clara illustrasses eruditione,  
non unum ei impendisti annorum lustrum.  
Ad excellentẽ, in Grammaticis profectum,  
sufficiebat magni excellentia Magistri.  
Omnibus Divina arridebat Pœsis,  
Te Diviniorem tui Apollinem nacta.

**Aganippeï fontes**  
omnes ivavi delectabant susurro,  
Tuò nectareò oloquiò permisti,  
Mentibus grata vincula, stylus ligatus,  
neminem non alliciebat sibi.  
Nempe: sub Isocrate omnes feliciores Theopompi,  
sub Chirone Achilles, Aristoteles sub Platone.

**Gentilitia Xieſciorum Aſcia,**  
Scholastico pulvere expolita,  
quòd splendidior in Tẽplo honoris erigatur,  
Tuo tersissimo ingenio debet.

**Marchionales Musæ**  
sciunt cui suum Parassum debent.

Illu-



Illustrissimus olim & Excellentissimus

**JOSEPHUS**

MARCHIO in MIROW

**GONZAGA  
MYSZKOWSKI.**

Castellanus Sandomiriensis,

Athenas Capite ferens,

Athenæum Pinczoviæ voluit esse.

**Accipitrem Gentilitium**

non censuit meliùs in perennẽ volare famã,

quàm cum adjutorio Noctuæ Minervæ,

Æquum duxit accomodari Pegaso,

Soleam Cruci adjunctam,

ut immortalis gloriæ vestigia haberet.

Tanto Fundatori Mecænatiq; ,

ut inchoatum ad gloriam placeret opus,

**RECTOR** Magnifice,

Professorali perficiebas labore.

Ille ærarij Musis impendit opes,

Tu præcellentis animi facultates.

Ecclesiæ Parochialis in Stradow,

Pastorem Te ultro destinavit,

Quem

vidit literis optimè attendentem.



**Deinde Coloniae Provisorē,**  
tenerrimo prosequeretur affectu,  
altiores meritis providebat honores,  
si illos habere, non mereri voluisses.

In nexum laborū alios provocabas labores,  
**THOMAM DOCTOREM** Angelicum,  
Clypeum militantis Ecclesiae,  
ab Oratorio dum deduxisti iuggestu,  
Te non sine Palladis Umbone ostendisti,  
Telis omnibus inconcussus,

quibus aliquando ab adversis  
etiam innocentia oppugnatur, sapientia impetitur.

**Pro Sacris Exedris**  
ut felicior detonares Pericles,  
Sacerrimum Mystam induisti.  
Vinea Christi Arenae Literariae adjunxisti,  
in utraq; Operarius indefessus.

**Ad Divorum Altaria**  
Flamen, DEI amore totus flammeus;  
**Ad Cathedras Academicas,**  
per continuos labores Professor Clarissim⁹  
Vocationi ad minus Collegium,  
Respondisti magnis meritis,  
quæ in Majori Domo nunquam desinis ampliare.

In Cathedra Tylicianae Professionis  
integrò quinquenniò Orator,

æquè fecundus ingenio ac eloquio facundus.

Tuâ roseâ svadâ, mul-



multos Patriæ dedisti Hortensios,

qui ne aridiori sermone,  
pro publico perorarent bono,  
totum eis dicendi flumen effundebas.

Dispensando ex Cathedra alijs laureas,  
mille Coronis Te ipsum dignum probasti.

Luci publicæ  
quotquot doctas evulgasti Panegyres,  
Phæbeam majestatem,  
in omnibus induit Eloquentia.

Tibi meridies gloriæ accensus,  
quoties pro splendore Illustrissimarum Cerarum,  
eruditæ mentis lumen intendisti.

In Pastophorio

quo magna maximisq; paria

**ILLVSTRISSIMI**

&

Excellentissimi Domini, Domini

**CHRISTOPHORI  
ANTONII**

In Stupow

**SZEMBEEK,**

DEI & Apostolicæ Sedis gratiâ,  
EPISCOPI protunc POSNANIENSIS,  
Abbatis Claræ Tumbæ,  
conclusisti, elogia Tua patefecisti.

In Oculo Eruditorum Capitem,  
quô spectantissima

C

Per-



Perillustriſ & Reverendiſſimi Domini  
**D. G V I L H E L M I**  
**R O B E R T S O N,**

Canonici Gneſnenſis, &c.

exhibuiſti merita,

Te medullam animi elegantis probaſti.

Fuit eò felicior

pro Doctoratu in Sacra Theologia,

Perilluſtris olim

**M. GABRIELIS PROFECKI,**

Inauguratio ſecunda,

quam Tuo, hoc eſt cultiſſimo elegiò donaſti.

Tota ſors non cecidit in urnam

Perilluſtris olim **M. MATHIÆ BROCKI,**

eum dignum laude Virum Muſa Tua prohibuiſti mori.

In alijs Scriptorum operibus,

non alius legitur ſtylus,

nifi vel aureus, vel aurò dignus,

quò legentium animus ditatur,

in Tuiq; æſtimationem ducitur perennem.

Scribere & loqui

rarò ſimul alijs hic conceditur nexus,

Tibi proprius ad eminentiam.

Principaliores Craciæ Baſilicas,

quoties culto impleviſti, aut imples ſermone,

Divorum pulvinaria exornas.

Coram Capitibus

Infulatis, aut Infulâ dignis Eccleſiaſtes,

quæ



quæ rotundo pronuntias ore,  
omnium sensum, in Tuum ducis pondere verborum  
In Comitij Regni Generalibus,  
bis ab Vniversitate Legatus,  
Regibus, pro Regijs Musis,  
Proceribus Regni, pro Regni Schola  
facundior perorasti Mercurius.

## Principe Ivada

Quia Principibus placuisti Viris,  
finè obtento in desiderijs fine non fuisti.

Vno in Academico labore,  
plura humerò infractò onera supportas  
fortior Atlante.

Illi unus suffecit Olympus,  
Tibi multiplicatæ functiones non sufficere videntur.

Singulis ex asse respondes,  
omnes exporrecta suscipis fronte,  
inNexum meritorum admittis & adimplēs.

Philosophici honoris & oneris Insigne

Purpuram Decanalem

fortibus lacertis gestas,

quæ plerumq; alijs Sangvineo sudore tincta, incutit ruborem;

Tu nunquam erubescere visus,  
Doctissimus Artistarum Princeps, Rex animò semper,  
utpote & Regius Professor.

Vt Disputantium Classes,  
nunquam non optatum appellerent portū,  
lucidior eis præfulgebas Cynosura.  
Circuli Philosophantium ne vitiosi essent,



punctum eis Tua eruditio fuit.  
Universitatis Generalis Procurator,  
novisti eò intendere curas,  
Unde res Academicæ assurgebat, ut felicius starent.  
Pias foundationes in suum erigebas fundamentum,  
nec eas aliò spectare voluisti,  
nisi quò mens Mecænatum jussit.  
Multis negotijs ac oneribus impulsus,  
iviisti aliquando extra Cracoviam.  
Vt sustentares Professorum labores,  
Tuo commodo non parcebas,  
sed tamen semper fixus eras, in Cathedra Professor.

Gnarus optimè  
id in statione Academica valere,  
non quod Procuratoris, sed quod est Professoris,  
Vtinam alijs in exemplum fuisses,  
ne in apparenti titulorum cerussa,  
lateat strictioris obligationis detrimentũ.  
Vtiq; & sidera quanquã habēt Eccentricos,  
suam tamen nunquam deserunt Sphæram.  
Altiùs Tecum RECTOR MAGNIFICE,  
Rhetorica Gradatio procedit,  
sed nunquam solutò stylò, ita currere potest,  
ut Tu promptissima activitate in nexũ merita cõponis.  
Theologicam conscendis Cathedram,  
multorum laborum gradibus innixus.  
Mentis irretortam pupillam  
Thomistico intendis Phæbo,  
eumq; in Tuum deducis pectus.

Hoc



Hoc Sacerrimo Tytane,  
præfulges Tibi in Sacris Dogmatibus,  
habetq; in Te suum lumen Sapia,  
quæ se ipsam miratur,  
quòd tota unô Tuô ingeniô coruscat.

Sub lumine Fidei revelato  
obscuritas arcanorum omnî evidentiâ  
ut esset clarior, facis.

Repetitô temporis bienniô,  
Sacramentalem Cursum deducebas ad metam,  
& quòd fuerit non sinè triumpho,  
publica eundem Disputatione coronâsti.

In Controversiarum Cursu,  
agis Stadiodromum indefessum.

Quot doctissima Argumenta moves,  
tot telis hostes Fidei impetis.

Statuis Conclusiones, evertis errores.  
Proponis Quæstiones, Castra fortissima metaris;  
quibus ipse triumphatur Avernus.

Sceptrorum Rectoralium in Crucē Nexus,  
hoc ipso non unicum onus,  
Ne non secundè feratur,

Primos Orbis Literarij exposcit Atlantes,  
Centimanos, aut pares Centimanis requirit.

Mereri honores contentus, non habere,  
Sceptriferam evitabas Crucem,  
quam tamen

Cōcordātib; Ordinū Academicorū votis,  
ut Tuorum meritorum Nexus eminentior esset,  
etiam invitus acceptare debebas.



Apud Ægyptios, (detur Annalibus fides)  
Scepтрis oculi non deesse solebant.

**Regijs Academicis Scepтрis**  
aut totus oculus es, aut Centoculus Argus,  
Imò ipsò vigilantior Argò.

Noctes etiã insomnes ducis pro commodo Literarũ.

Scis doctis placere ingenijs,

quia nòsti perbelle ingeniorum artem.

Prius in Te efformas animorum characteres,  
ut eorum ingenia legas.

Ne Te lateant scrutaris,

Excurris ultra, si sua vastitate pateant,

Ascendis supra, si subtilitate emineant.

Penetras omniũ quævis ingenia, dũ aspicias,

Examinas, dum alloqueris,

ponderas & noscis quid valeant, dum audis,

Animorum & Ingeniorum **RECTOR**.

Jovem Scepтрiferum agis,

sed non trifulcum Tonantem.

Vel si Tonans es, hæc fulmina jadis,

quibũs odia à Pallade avertis,

ut in amorem ejus impellantur.

Explorantur ad lancem judicij Tui negotia,  
feliciter bono cummuni cedunt,

**Tuo illis voto accedente.**

**Scholarũ Novodvorscianarũ**

simulq; Contubernij Geloniani **PROVISOR**,

quas sollicitas non adhibes curas?



ne cara Pignora Patriæ, mentes studiosæ,  
suo in literis destituantur protectu.

Cedunt in censum Tuæ gloriæ,  
quos processu juris vindicas census.

*Non enim minor gloria est parva tueri,  
quàm quarere nova.*

Amænas spiras gratiarum Ethesias,  
ut flos luventutis Academicæ

sterilem sibi literariam non agnoscens Arenam,  
maturos, eosq; scientificos explicetur in fructus.

Sacro Apollini consecras Tua beneficia,  
nec minus in Sacratiores consecras ÆDES.

**Basilica Prossovicensis,**  
quæ circa publicos Comitiorũ Congressus  
liberis perlonat Nobilitatis vocibus,  
Tuo ære liberaliori magis redditur sonora.

Ferme accepisti lateritiam,  
prope marmoream fieri curas.

Edaci temporis dente corrosos parietes murales  
solidiori firmasti muro.

Intus & extra splendidiorem providisti nitorem,  
qui vetusta carie obrutus,  
totus vastis condebatur in rimis,

Pro Cancellariatu Sandecensi,  
egisti satis liberaliter, ne Successor egeret.

**Còemptus Fundus**  
in sua quam feret Cerere  
liberalitati Tuæ,  
ad messẽ gratitudinis Succedaneos obligabit.



Hoc profectò unicum,

*liberale est serere beneficia,*

*ut possis metere fructum.*

**Ecclesiæ Collegiæ SS. OO.  
Cracoviensis Præpositura**

ultro se Tuas inclinavit in manus,  
ut assurgeret,  
meliori statui à STANISLAO reddenda.  
Longior Tuorum meritorum series,  
pleniori vix capienda volumine,  
hanc sponte eligit latere paginam,  
ne aut Tua lædatur modestia,  
aut non pro Dignitate elogia celebrentur.  
Mavis laudanda agere, quàm laudari.  
Tuis factis, verba non suppetunt Oratoria,

**In Superos**

est celerior Tua pietas,  
quàm potest esse ingenium velox.  
Ad digna Cedrò agendum,  
est Tua promptior manus,  
quàm calamus ad scribendum.  
Tua longè amplior gloria,  
quàm Schinotenes protendi queunt.  
Concatenatus meritorum Nexus  
longè suo apparatu pulchrior,  
quàm



quàm styli potest fieri ornatus.

Quid dicendum?

cùm ad Doctorem Lauream,  
magno suo comitatu assurgat eminentior.

**Sacra Laurea Theologica,**

in Orbe Palladio quid nobilius?

convoluta sua rotunditate,

bene æternitati respondet,

cùm ad DEVM referatur æternum.

**De DEO Vno**

agere Theologiæ est,

Laurea Theologica unica est,

quæ cunctos excedit Honores.

**DEVM TRINVM**

explicat & docet Theologia,

Laureâ Theologicâ quid perfectius?

cùm in tantum Trinum desinat perfectum.

Nectuntur Laurus,

in Vmbroso Acedemi luco,

nequeunt sinè umbris manere;

Laurea Theologica quid clarius?

**Solem Justitiæ,**

in suo circulo pro puncto habet.

Sunt quidem virelcentes laurus,

E

cùm



cùm etiam sint nesciæ fulmine tangi.

Laureâ Theologicâ quid viridius?

**Florem Campi**

sibi internectere novit.

Ad hanc Lauream

**Magnifice Domine Rector,**  
**Sceptrorū Rectoraliū Falces**

ac Tuorum meritorum Nexus eminentior,

Vtriusq; Honor hac eminentia dignus.

Tantæ fortunæ ipse Faber.

Fascibus Sceptriferis

meritorum Nexum conformasti.

**Pro Laurea Theologica**

decenniō totō laborasti.

Quot Annorum revolutiones peregisti,

tot dignus

triumphales habere currus,

quibûs ad Capitolium Honoris proveharis,

Insunt decem Circuli Cælis,

tot Annorum decurrebas circulos,

ut hâc redimireris laureâ,

Cujus centrum Cælum sydereum.

Expeditiûs florida nectantur ferta,

Quia subitò nihil perfectum,

seriûs fieri debuit Laurea Theologica,

ut



ut Tua merita coronaret perfecta.

Levis Cymba

tenet citius portum, non item Oneraria.

Cassæ segetes assurgunt,

non pleni Cerere culmi.

Gemmæ ut nitido nascantur in Erythro,

debet ipsum largius sudare Cælum.

Operosum est, quidquid excellit.

Cuditur longô temporis spatiô,

quidquid Æternitati consecratur.

Plausu insuper excipitur majori,

quod

longiori expectatione sperabatur.

Capitolium Triumphorum Sedes

Solenniùs eas excipit Victorias,

longiori perrennaturas ævo;

quæ non unô parabantur Gradivô.

**Laurea Theologica**

Quò minùs festinè,

eò magis festivè, in tempora Tua sinuatur.

Plausuum sibi primum mobile est,

**Sed & Orbes Academicos,**

finè plausu mobili non finit esse.

Quà RECTORI plaudit Vniversitas,

Quà DOCTORI Facultatum Doctores.




**Ad Sceptra**  
omnium collimant plausus.  
**Votorum interpretem ago,**  
**Annos in Pylios**  
**longævæ protendantur stamina vitæ.**  
**Meritis ac concatenatis laboribus,**  
**primi semper intersint Honorum Fasces.**  
**Nunc eminentior,**  
**ad Doctoralem Lauream Theologicam,**  
**Honoris Sceptrigeri ac Emeriti Nexus,**  
**in Ecclesia DEI,**  
**Orbeq; Academico,**  
**magnis cumuletur decoribus,**  
**Sucessibus augeatur.**





Biblioteka Jagiellońska



stdr0019183



